

www.BibleForChildren.org


Mataioo 8



Qaara faasaana aiqarroofanoo Kanna maqusai Kariree
maqa maqaki moo maqusaki maanaqa amundarafa
marinau. Yisuna anoofa Mariafa mi qoomaqanaki
dadaaqidanoo marinau. Qoomaqa suqoosa Yisuna faqa
nari faiqi namu faqa naarroofaqa fiqau.



Mi maqannaasa oosana maqimminoo maridanoo.
Maanaqa nimundararee qimasaidaqa narana faqa
uainna nammari nári maqee maqee nee maria
nammarifa faqa namammaree munusaida nimundee
mariqau. Mi qoomaqanaki uainna nammari namammaree
kasaqa munu taikasoofanoo Mariafa narí amaaku
Yisuna qimaminoo qinau.



Qini qimaaku doo uainna nammari taikanoo maridanoo.
Yisuna anoofa mina iriseenoo quandafinoo qoomaqa
dadaaqimaru fasiqausa mara quqaqoosa maaqi qimasee
Yisunara qimanniminu. Nana ainainaree maafa qinaqa
mifa qinandee kai iaqa.



Yisufa qoomaqa suqara faiquqa mara
quqaqoosa qimannimino qinau. Innee
nammari sakasee maa ooni qafeesaki
adiee marifanoo afaisaa kai uruani. Yisufa
miqi qimasoofoqa misa aiqama mi ooni
qafeesaki saka adioofanoo
afaisaa qumbiqaqau.



Saka adia qumbiqasoofanoo Yisufa
qimanniminoo qinau. Innee minakinaana
sakamaree qoomaqasaa rakisimarina
amifanoo namasee qafaani.



Miqi qimasoofaqa misa miqimmiqau. Qoomaqasaa
rakisirafa mi nammarifa uainnaikamafuna oosana
siamma irinau. Qoomaqa
suqeemaru ainainira
fasiqausa misa kai iriqau.
Qoomaqasaa rakisirafa
namasee qafoofanoo
amundoo
aanaaseena
afaaqi
aaramaseenoo
qinau.



Aiqama qoomaqa suqee mariasa amiqira uainna naaree
indaaru nimiafaqa naidaqa. Neeneesaafaqa inaaqianna
manda uainna nimidaqa.


Anee sia miqiananoo
amiqira uainna uqanna
kai inaaqianna
nimiananoo.



Miqinoo Kariree maqa maaqaki
Kannaana maqusai Yisufa narí saika
oosana araseenoo faiqí sia
auqoo ainaina amiqira
oosana auqamasoofaqa
faiqí anaasee qafaqau.





Mifa mikari narí afeeka firaana
uqannifiqoofaqa mina ufa irimaru
fasiqausa Yisunara kuqaa
Anutuna amiqira afeeka
uqannifiqee mari
fee qiqau.



Yisufa miqooqari Peetooroona
maaqai finau. Oonuree qafoofanoo
Peetooroona airaamaku anaasee
aurimarinau. Afaaqa ididi marufanoo
aurida faiqaqee marufanoo.




Yisufa mina qafeenoo asauku qumaranau. Asauku
qumaroofoo aurirafa taikanau. Taikafufanoo
mi anaaseefa aaqee findifinoo narana aina
Yisuna aminau.



Eeneemarufanoo suani keeqoofanoo miqoo marusa
nári faiqí anaasee auri marusa faqa fueena
faafasaqa marusa
faqa aiqama nifiqee
Yisufinnai minisoofanoo
aiqama mi maqusanaki
marusa mi maqannaasa
ani mara uqusee
miqoo suqi mariqau.



Yisufa moomoo aurirana oosana oosana aurirana
andeeqanniseeno faafasaqa marusa moomoosa
miqimma quqannimufaqa rafudamaki sandaqau.
Misakina faafasaqauqa Yisufa Anutuna amaaku
marunara irisee kooroo iandoo qimasoofanoo Yisufa
misa ufara qaoo qufaqa sia ufa qirai kaqi
rafudamakidaqa sandaqau.



Anutuna afeeka fannoo Yisuna afaaqaindari
fidanoo faiqí anaasee andeeqannisee marufaqa
aiqamausa nisaukunnai
Yisuna afaaqa
auqamasoofanoo
aurirafa taikanau.



Qimannimimarufaqa faiqí qaara faqa qaara faqa moo
fasiqa aiku asauku kuqirana qaindusumaree mina
ainaina faqa aniree Yisuna uqafiqaanee rufaqa faiqí
ititafufaqa keeqarara anuqusia misa maqamau
akaramafiqa.




Yisuna akiaga amummaqa nári
eefeeda maaga asaana
rapeemandeeqa mi fasiqana
narí qainda namufaqa
minaki upeekasee quiqa
quiqa ufanoo meemai
Yisuna aaga
quqaqau.




Misa irirafa firaaqoo Yisunasaa atooqoonara Yisufa
qafamasee aiku asauku kuqirana
qimaminoo qinau. Qini
qimaaku ani mandainaina
akiaqa minnaisaidaqa.
Ani qimamidaqa anee
findifinana aneenna
qainda mara maree
amaaqa doo fua.




Yisufa miqi qimaseenoo kanuqaki akaramafufaqa
mina faiqi namu mina aanaaqiana
akaraqau. Akaramafufaqa
kanuqaki nammari amuaqumau
fimarufanoo Yisufa minaki
afaaga umooqukufanoo
faifufanoo nammari qambaanai
oonuroofanoo ufai
firaafa uqinoo nammari
amakaaurinoo kanuqa
aundurairi keeqanau.




Kanuqa teeqi taaqufaqa Yisuna faiqi namu
mina qafamasee kanuqa namu faqa
nammariki ukuqnaana qimasee
kaaqa rufiaqau. Yisufa
sia minara irinau
mana mana
faiqaqee
marinau.



Yisufa misa ufa iriseenoo qimanniminou. Oo kaaqa
innee fifau rufiee mariasa. Sia qinisa irirana
rusimariasa mariafanoo. Miqi qimaseenoo findifufanoo
ufai faqa nammariara faqa qaoo qufanoo nammari
faqa ufai faqa kasoomafinoo dai
qimafinou. Miqi qufaqa ufai faqa
nammari faqa firaaqoo
uqiufa kasoomafufaqa
mina faiqinamu
naaquqoofaqa qiqau.




Maa fasiqafa naqira fee
maridanoo fee. Ufai faqa
nammari faqa mina ufa
irisee eedoo qidaqa.



Anutufa maa
maqanasaa mariasara amuqusa firaaqoo
qunara narí amaaku moodaa uqanna
amiqirana maqasaqaraasa nimuna
mina saqarikinausa sia kuridiranaki
fifaranoo Anutuna naaru
mariranaki fuageera narí
amaaku nimirau.



40



60



Roomma 3:23 Faiqí anaasee narí Anutuna asauku mundirana saqarikiranannai Anutufa mareeqee narí afusaa andeeqaranaki quqaidanoo. Aiqamausa asauku mundirana Yisuna ufa irisee minasaa rusimariasa miqi qimariasa aiqama maqannaasa Anutufa mareeqee narí afusaa andeeqaranaki quqaidanoo sia raina rainiannoo.

Roomma 6:23 Dinni manda oosana fannoo narí ainainimariasa naarama quqaseenoo narí ainainirana akiqara feefauru nimidanoo mi feefaurufa kuqirafa kai maridanoo. Kafaa mina dinni Anutuna kaqi nimira ainaina innaarunai naaru marirafa sia ainainirana akiqara maridanoo, mina asauku mundirafa maasa karaambaiqa Yisufa mina faqa moodaanaki kiqa maridaqa mina namufaqa innaarunai naaru marirana kaqi nimirafa mariannoo.



Heeburu 9:27 Aiqamausa moodaa kari kuquannana amana kai Yisufa moodaa kari kuqinau, aiqamausa moodaa kari kai kuqufiqa miqooqari Anutuna faqa ufa qiranaki fifaranoo.

Eefeesusa 2:8,9 Sia moo ainainannai Anutufa nari afaariranannai kai inni innaarunai asumu mariranaki quqannisaidanoo, innee Yisuna saqarikiranannai afaaramma nimaqaidanoo. Inni asumu nimirafa sia innee andeeqasee fimarianasaafau mundidanoofau, sia innee amiqira oosana marasaida kadaapiridee qimarianasaafau mundidanoofau, Anutuna kaqi nimiranasaa kai innaarunai asumu marirana maasa qimirana uqeereenoo. Sia maasa qeeqa kadaapiriranannai innaaruna asumu maraanaura minara sia fifau maasa qeeqa qimooqira ufa mariannoo.



Roomma 10:9,10 Maaqi qimasee qimannimidaqa, anee aneenna afaurunnai Yisufa kuqaa karaambaiga maridanoo fee qimasee, aneenna amuqusa ookiqari kuqaa Anutufa Yisuna kugiranakinaana uqeeranau maqi qimasainanoo Anutufa narí asumu mariranaki ani mara quqaannoo. Maasa qeeqa qimuqusannai Anutuna andeeqaranaki fidaqa qeeqa qifaurunnai mina kooroo iranannai Anutuna asumu mariranaki fidaqa.

Yoohanee 3:16,17 Anutufa maa maqanasaa mariasara amuqusa firaaqoo qunara narí amaaku moodaa uqanna amiqirana maqasaqaraasa nimuna mina saqarikinausa sia kuridiranaki fifaranoo Anutuna naaru mariranaki fuageera narí amaaku nimirau. Anutufa sia maa maqanasaaqaraa fasiqa anaasee narí ufa firaanaki mara aquanifeerau narí amaaku maa maqanasaa quqannisanau. Mifa faiqí anaasee nariranakinaana qumbaqeeqee naaru asumu mariranaki quqannisaanifeera Yisuna quqanau.



1 Yoohanee 5:11-13 Anutufa narí amaakuara qu ufafa
maaqimminoo maridanoo Anutufa naaru naaru kuqaa
marirana maasa qiminau, mi marirafa maasaindi mina
amaakuki marifa maridanoo. Yafa yafee Anutuna amaaku
qumarainafa doo mifa mi marirana namufaqa
qumareenoo. Yau yausee sia Anutuna amaaku
qumarainausa sia mi marirana faqa qumaraidaga. Innee
Anutuna amaakuara irirana rusimariasa innee doo naaru
marirana doo maree fee qiageera maa ufana akara
rumannimaqaidaga.



Mataioo 8-9; Mark 1-2, 4; Ruka 4, 8; Yoohanee 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Binumarien Bible (bjr) © 2017 Wycliffe Bible
Translators, Inc. All rights reserved.

<https://live.bible.is/bible/BJRWBT/MAT/1>

©2026 Bible for Children, Inc.

www.M1914.org

www.bibleforchildren.org

